

Бисмиллагъи ррягъмани ррягъмим!



АССАЛАМ

www.assalam.ru

НА ТАБАСАРАНСКОМ ЯЗЫКЕ

МУСУРМАРИН ГАЗАТ

№12 (61) декабрь 2008-ни йис. / Зул-гъижжа 1429 / Табасаран члалниинги вазлик саб ражну удубчвур. Къимат 15 манат

ТЕБРИК

ВАРИДАРИЗ ККУНИ АЛЛАГЪДИН ЧЧВУРНАХЪДИ!



Гъюрматлу мусурман гъардшар ва чйир!

Альмарин Советдин, Дагъустандин мусурмарин Диндин идарайин ва хусуси вуди йиз терефнаан учву Цийи 1430-пи йис улубкъбахъди мубарак аплураза. Гъит гъаму йис ухъуз ужувларин, ихъ гунгъарихъан марцц аплбан ва Аллагу Тааълайихъна багахъ хъпан йис ибшри! Ва гъит Аллагу Тааълайи ихъ вари хайирлу ляхнар къабул апри, гъадму гъисабнаан гъяждиз гъягъювал, хъа шилхъан Гъяж клуи гъабхуз гъабхъундарш, гъит цийи йисан гъациб мумкинвал ибшри.

Гъит гъаму цийи йис ухъуз ужудар ляхнар гъабхуз ва Аллагу Тааълайиз дериндиан

(къвантан) ибадат аплбаз эвел ибшри!

Гъит вари члуруб, гунагънануб ва писуб ккудубшу йисаз гъузри. Гъит Аллагу Тааълайи вари мюгъкамди мусурман диндин алаъри ва вари ужудар ляхнариз хъуркъувалар туври!

Ислягъвал, ягъурлувал ва къюби дюнйириъра хушбахтвал ишричвуз, гъюрматлу мусурман гъардшар ва чйир!

Агъмад-гъяжи АБДУЛАЕВ, Дагъустандин Муфтий

МУСУРМАРИН АХЮ МАШКВАР

Къурбан-машквар

'Ид аль-Адгъя

Къурбан машквар (ид аль-Адгъя) мусурмарин асас машквар ву.

Думу Зул-Гъижжа вазлин 10-пи йигъ улубкъган шулу яни гирами йигъан-Арафатдин йигъан къяляхъ вуйи йигъан улубкъуру. Ид аль-Адгъяин къяляхъ вуйи шубуд йигъаз (ясана 11, 12, 13) ташрикъдин йигъар клуру.

» 2-3



"МУСУРМАН КАЛЕНДАРИАН"

Зул-гъижжайин вазлин заанвал



Ас-Салам-фото

Зул-Гъижжайиз мусурмарин асас машквар дахил шулу - 'Ид-аль-Адгъя (Къурбан машквар), думу 10-пи числойизалабхъуру. Зул-Гъижжайин вазли мусурмар гъяждиз гъягъюру, хъа гъяждиз гъягъювал Исламдин асас шартларикан, дурарин али хъуб фарзнакан саб ву. Гъадушваз гъа-

цира гирами йигъарикан сад йигъ-Арафайин йигъ дахил шулу (9-пи число). Гъадму йигъан гъяждиз душнайидар Арафайиз гъюру. Арафайин йигъан агъзур ражну "Ихлас" клуру сура гъурхиш ужу ву, гъадрарикан гъарсаб "Бисмиллагъийилан..." ккебгъри. Сабнуб гъядисдиъ дуп-

Зул-Гъижжайин ваз мусурмарин варитан гъюрматлуди къван аплуру ваз ву. Думу къадагъа дапнаи юкъуб вазликан (Ражаб, Зул-Гъижжа, Зул-къиъда, Мугъяррам) - вазарикан сабнуб ву. Гъадму вазари Аллагу Тааълайи дявйир гъахувал, гъалмагълар аплувал ва ифи удубзувал къадагъа гъапну. Иллагъки гъаму вазлин сабпи йицлуд йигъ варитан къиматлудар вуди гъисаб аплуру.

найиганси, шли агъзур ражну "Ихлас" сура гъурхиш, чак кайи вари гунгъар ктахъуру.

Гъядисдиъ гъацира дупна, фицики Аллагъдиз варитан ккуни ва варитан багъалу йигъар Зул-Гъижжайин сабпи йицлуд йигъ ву. Гъадму вазлин сабпи урчлуд йигъан, асас вуди Арафайин йигъан (ва

дидиз улихъна вуйи йигъанра) ушв бисуб ужу ву (гъяждиз душнайидари ктарди).

Айшайихъан вуйи гъядисдиъ клурайиганси, сар жигъили Зул-Гъижжайин вазлин сабпи йицлуд йигъан ушвар дисури гъахъну. Гъаддин гъакънаан Пайгъамбарикна гъапнийи.

» 2

Уважаемые читатели и подписчики газеты «Ассалам»!

Редакция газеты приносит свои извинения в виду того, что последний номер 2008 года вышел с опозданием по причине того, что коллектив газеты находился на хадже.

Редакция газеты «Ас-салам»

НУМРАЙИЪ:

4 **ХАБРАР**

Бицидарин арайиъ гъабхъи республикаин конкурс

5 **ГЪЯЖ ВА УМРА**

Игърам (гъяждин палат) алабхъбакан

6 **УХЪУЗ ХАЙИРЛУДАР ВУ**

Аллагъди Гъаънайирин гъядисар

7 **РЕДАКТОРИЗ ГАФ**

Диндин гъякълу рякъюъди гъягъюрайидариз

ВАРИ ГУНГЪАРИН БИНА ГЪАМУ ДЮНЬЯ ККУН АПУВАЛ,
ВАРИ ГЪЯРМАГЪЯРИШАРИН БИНА ЗАКАТ ТУТРУВУВАЛ ВУ

ГЪЯДИС

ГЪЯЖДИЗ ГЪЯГЪРУДАРИЗ

Ягъурлу рьякъ
ибшричвуз!

Ахирмжи ккудушу йисариси, гъаму йисанра ихъ республикаийан агъзрариинди мусурман гъардшар ва чйир чпин мусурманвалин фарз тамам апуб метлебниинди Сауд Аравияийн гирами жилиина гъяждиз гъягъюз гъязур духънайи.

Диндин метлебу аьдатарикан ва фарзарикан саб вуйи гъяз клули аьдабгъан ният айи ва гъядушваз гъягъюз гъязурлугар духнайи гъарсар касдиз ягъурлу рьякъ ккун апухъа. Гъит Аллагу Тааьлайи гъадари учву мусурман дин бадали алдабгъурайи гъарсаб лик ягъурлуб ва учву апурайи ляхнар Къудратлу Аллагу Къиван алди клули гъахурайидар ишри, гъорматлу вата-нагълийир!

Дагъустандн диндин идариин гъяждин месэлийриз лигру отделин гъуллугъчйири клурайиганси, гъяждиз гъягъювалин ляхин йислан-йисаз ужуи тешкил апура ва гъяждиз гъягъурдар чпира жавабдарвал гъисс апури гъязур шула.

Дугъридан, Сауд Аравияийн гирами йишвариина гъягъюз ният айи гъарсар мусурман кас гъаму месэлайихъна лапра ахью жавабдарвал гъисс апури янашмиш духъну ккунду.

Дугъяз учв наана гъягъюраш, гъядушваз учв фици улупну ккундуш, гъяж члур апуру дюшюшар ва гъярактар фицдар вуш, варибдикан аьгъяди ккунду.

Гъадму месэлийрихъди аьлакьалу вуди Мягъячгъалайн телекомпанияйи «Узу гъяждиз гъязур шулаза» клуру передачйир гъязур дапна (вари 20- дихъна передачйир). Гъадму передачйири аьдлу аьлимар иштирак шула ва гъяждиз гъязурлугар гъабхъди ва гъяждин аьдатар тамам апабхъди аьлакьалу вуйи хайлин месэлийр арайиз адагъна.

Дестйирин клули айидари гъяждиз гъягъюз ккайдарихъди мянфяаьтлу ляхин гъабхура, лазим вуйи теклифар тувра.

Гъавриь адрахърайибдин гъаврикк ккаьра. Къурамугъаммад – гъяжи Рамазановдин (гъит Аллагъди дугъяз рьягим апури!) «Гъяж исламдин хъубпи шартл ву» клуру китаб гъяждиз гъягъурдариз ужудар ва хайирлу теклифар тувруб дубхъна.

Дагъустандиан гъяждиз гъягъурдариз чпин хусуси палат (форма) а, гъадди дура-риз гирами жилиин гизаф къадар инсанарин арайиь чпиндар аьгъю апуз мумкинвал тувди.

Хъа ухъу дурариз ягъурлу рьякъ ккун апураха.

Зул-гъижжайин
вазлин заанвал

ИИ Ва дугъу гъаз ушвар дисураш гъерхнийи. "Эй йиз уларин акв, дурагъ Гъяждин йигъар ву ва гъяждиз душнайидарин дюйирикан ужулар шлувалик умудвал кивраза, жаваб тувнийи жигъили.

Ва думуган Пайгъамбари гъалпнийи: "Гъадму йигъари гъибису гъарсаб ушвраз варж лук! азад апабзсиб, варж гъяйванатдиз садакъа тувубсиб ва жигъад клули гъабхъаз варж гъяйван тувубсиб къадарна багъишар тувиди, хъа Арафайин йигъан ушв гъибисуриз къод агъзур луклар азад апабзсиб, гъадму къадарнади гъяйванатариз садакъа пай апубсиб ва жигъад апабз гъадму къадарнади гъяйвар жара апубсиб къадарнади багъишар тувиди".

Гъядисариь гъацира дупнайиганси, Арафайин йигъан ушв бисбаз тувру багъишдин къадар къюд йисан ушвар дисбаз лигну тувру багъишдин къадарназ барабар ву.

Гъадму йигъан ушв гъибисури кюд йисандин гунгъарин аьфв апабиди. Хъа шли Арафайин йигъаз улихъна вуйи къюд йигъан ушвар гъидисис, пайгъамбар Айюбдизсиб багъиш тувиди, хъа Арафайин йигъан ушв гъибисуриз-Иса пайгъамбаризсиб.

Гъадму йигъари ибадатдиь вахт гъапуб, игътияж айидариз садакъа пай апуб ужу ву.

"Мусурман
календарин"

МУСУРМАРИН АХЬЮ МАШКВАР

Къурбан-машквар

'ИД АЛЬ- АДГЪЯ

ИИ Ид аль-Адгъяийн йигъаз улихъна ригъ алабхъбахъан кебгъну тап ташрикъдин йигъар ккудуклайизкъан мусурмари ахью сесниинди такбир урхуру (Аллагу акбар). Такбир мистариьра, хулаьра, кючейиьра ва майднариина- варишвариь урхуру. Вариди сабси машкварин йигъари такбир урхурайивали фуланин шагъур ясана гъул мусурмарин вуйивал шагъидвал апуру. Дугъриданра, гъар йисан ихъ дюньяийн жилиин али миллионариинди мусурман чъири ва чйири Къурбан-машквар варитан гирами машкварси къайд апури шулу. Гъадму йигъан дурадин юкварий Аллагъдихъна вуйи ккунивал ва гъормат артухъди жанлу шулу, сари тмунур машквархъди тебрик апуруган, дюйири урхуруган Аллагу Тааьлайикан чпин гунгъарин аьфв апувал, дюньяийн жилиин али инсанариз ислягъвал, мясляаьт, чиб-чпихъна гъормат уьхювал ккун апуру.

Гирами Къуръандиь дупна (мяна): "Учву халкъ Гъапури гъорматназ дюйири апабиди, учкван Думу рази хъуз".

Имам Гъазалийи биклура: "Гирами вахт ккидипуриз хайир бихъидар, вахтнийинди базариина дурушган алвер апаб хайир даршлуганси". Зул-гъижжайин ваз гирами вазарикан саб ву. Думу вахтна жюрбежюр дявийр гъахуз, душманвалар апуз ва жюрбежюр гъалмагълариь учвуз къадагъа дапна. Мумкинвал айидари гъадму вазлиь ушв гъибисиш ужу ву. Иллагъки гъадму вазлин садпи йицлуд йигъан ушвар дисувал ва Аллагу Къивандин йишв адапувал ужу ву. Тирмизийи, Ибну Мажигъди, Абу Гъурайратди къиван дапнайи гъядисдиь клура: "Варитан гирамидар ва багъалудар Зул-гъижжа вазлин садпи йицлуд йигъ ву. Гъадму йигъари саб ражну ушв бисувал ушвар дисру сад йисаз барабар шулу. Аллагъдин гъуллугънаь ади сад йишв гъапувал "Лейлатул Къадрийн" йишвну гъуллугъ апабз барабар ву. Зул-гъижжа вазлин урчлудпи йишв Арафайин йишв ву, думу Аллагу Тааьлайин гъуллугънаь хъупъинди гъапуру ккунду".

Зул-гъижжайин садпи 10 йигъан "Аль-ихлясин" сураийан "Къулгу" гъурхиш ужу ву. Арафайин йигъан клуруш 1000 ражну гъурхиш ужу ву. Аллагъдиз ккуни ляхин Арафайин йигъан гъапури йискубан арайиь гъапуру ляхнар из барабар вуди дебккру. Шубуб ражну "Къулгу" гъурхурин вари Къуръан бегъемди гъурхурин ужуваз барабар шулу. Ари гъамус фикир апабиди, яраб фикирлу касди гъациб мумкинвал ишлетмиш дарапди гъибтуйкван?

'Ид-аль-адгъя (тюрк члалниинди Къурбан байрам, ихъ члалниинди - Къурбан машквар) мал-чарва убккван ва дидин йикк касибариз ва жара ксариз пай апабз машквар ву. Къурбан апувал гъижрайиинди- мусурман календариинди зул-гъижжа вазлин 10-пи йигъан улубкьуру.

Къурбан машквар вари мусурмарин машквар ву. Думу шубуд-юкюд йигъан давам шулу. Къурбан апуз урккру мал-чарва сагъидар вуди ккунду. Машкварин йигъари исихъ учу ктухурайи ляхнар клули гъахувал суннат ву:

1. Ахниккан ухди гъудужуб.
2. Вари жандак бегъемди жибклуб.
3. Сппар бегъемди марщ апуб.
4. Жвувахъ ици ний хъапуб.
5. Цийи ва марщ палат алабхъуб.
6. Тубахъ тлудбан хъапуб.
7. Вахтназ улихъна мистаз гъягъуб.
8. Рьякъю такбир урхуб ("Аллагу акбар").

9. Динагълийир мубарак апуб.
10. Шади, машнаан ачухъди улупуб.
11. Мусурмар машквархъди мубарак апуб.
12. Касибариз садакъа пай апуб.
13. Гъалмагълариь айидар мясляаьтнахъна хуб (албагуб)
14. Багахълуйирихъна гъягъуб.
15. Динагълийириин улукъуб.
16. Хялижвди гъягъурган, пешкеш гъабхуз гъархну ккундар.
17. Багахълуйириин накъварихъна гъягъуб.
18. Хялариз уьл-хураг гъивуб.

МАШКВАР ИЙГЪАН
АПУРУ СУННАТ-ГЪУДГАН
(Салат-уль-ид)

Салат-уль-ид (ид-гъудган)- му машквар йигъан апуру 2 ракааьтдин суннат-гъудган ву.

Думу Къурбан-машкварин ва Ушварин машкварин йигъари апуру ву. Имам Шафийийн маз-



Ас-Салам-фото

гъабдиинди, салат-уль-ид суннатун муаккадатун ву, яни лапра умудлувалин аьшкъ кади дапну ккуниб ву. Хъа имам Абу-Гъянифайин мазгъабдиинди - му жвуми йигъандин гъудгниз ушвар вуйи важиб ву.

Думу клули гъабхру вахт ригъ гъудубчлуд хъюгъханмина ккебгъру ва лисундин гъудгнин вахт улубкьайизкъан давам шулу. Думу гъабхбан гъякьикъи вахтнакан дидиз улихъна имамдихъан гъерхну ккунду.

Жилари ид-гъудган жара динагълийирихъди сатиди мистаь апуб ужу ву, хъа амма хулаьра апуз шулу.

Мистаз гъягъурган ярхи рьякъюьди ва мистъан удучлвну гъюруган жикъибсиб рьякъюьди гъягъуб-гъуб ужу ву.

Ид-гъудган апабиз улихъна ният дапну ккунду: "Къурбан-машквар (ясана ид аль-адгъя) улубкьбахъди аьлакьалу вуди Къудратлу Аллагу бадали узу машкварин къюб ракааьтдин суннат-гъудган апуз ният апураза". Эгер гъудган жямаяьтдихъди, жара мусурман ксарихъди сатиди апуруш, думуган апурайи ниятнан гафарихъди сабси "жямаяьтдихъди сатиди" ясана "имамдихъди" клуру гафарра дупну ккунду.

Ниятдин къяляхъ дишлади "Аллагу акбар" дупну ккунду ва хилар ибарихъна за дапну, гъудган апуз хъюгъру. Гъудган апабиз улихъна, аьдат вуйиганси, аьгъю ксари "Важжагъту" клуру дюаь урхуру. Гъадму дюаь ккудуклбалан къяляхъ, хъана хилар за

» 3

ГЪЯКЪЛУ ВУ, АЛЛАГЪДИ ﷻ ВАРИ УЖУВЛАНУБ ДИБИКИНА ... (Муслим)

ГЪЯДИС

ХАБРАР

Тазади кадагънайи США - йин президент Барак Обамайи Америкайиз дигиш'валар гъафну клури, мялум гъапну. Чан терефкрарин улихь удучівну улхури, президентвалин гьуллугъ бадали женг гъабхбаъ гъалиб гъахьри мялум гъапганси, сечкйирин натижйири америкайин миллетдин сабвал улупну.

Обама президентди ктагъбахъди аьлакьалу вуди Урусатдин агъалири иллагъки Обама президентдиктагъувал ужуб гъабхьну, клура. Урусатдин экспертарира мялум гъапганси, демократ Барак Обама Америкайиз республиканец Маккейтлан ужур президент хьиди.

Дугъан асас лозунг гъаму вуйи: «Дигиш'валар хьиди, ухьу гъадрарихь хьугъдихь».

Ав, Маккейтлан думу ужур ву, фицики Маккейнди ислам дин дюньяйин жямаятлугъдиз хатла айиб ву, клури гьисаб алура.

Бязидарин арайиъ аьраб хатла айир ву, хъа вари мусурмар гъакьлу

Америкайиз дигиш' валар гъафну



террористар ву, клуру жюрейин фикрар лихура.

Маккейнди гъаракатар лапра нягъакьвал ашкар алуру гъахьну. Фицики сабнуб митингдиъ Сара Пейлин клурури Обамайиз (чаз мусурманвалин ччивар ади хъпаз лигну) террорист ву, клури гъапну.

Ва уч духънайидари саб сесниинди «Думу йивну йиклуб лазим ву!» клури сесер - чигъар алуруган, инсанар яваш алаундайи.

Обамайи ислягъвалихьна гъагъру ва хатласузвалин тереф уьбхру уьлкйириз мялум гъапну: «Учу ичв тереф уьбхидича».


Америкайин члат терефнан политикайиз айи гележегдикан улхруган, фунур кас президент гъахьшира думукъан ахью дигиш'валар шлувализ ккилигурдархъа. Гизафдари Обама ачухъ президент хьиди, клуру фикрар алура.

Лигухъа, уьмур саб йишвахъ дийибгънадар, думу ихь уларики ахмиш шула.

Дагъустандин гъаж - компанияйин вакилар Исламдин Иран Республикайиз гъушну

29-пи октябрилан 4-пи ноябризкъан Дагъустандин гъаж - компанияйин вакилар метлеблугъуш клури гъабхуб метлебниинди Ирандин Исламдин Республикайиз гъушну.

Гъадушваз гъагъювалин метлеб Ирандин терефнахъди Ирандин жилилантина Сауд Аьравияйин Паччагълугъдин гъаждиз гъагъруган алахьру читинвалар гъал алув вуйи. Асас вуди Гъаждин департаментдин ва ИРИ - йин Герандиъ айи зияратарин, идарйирин вакиларихъди гъушар гъахьну.



Астарайин губернатор Талиби-йихъди совещание клури гъушну ва душваъ жавабдар гъуллугъарин улихь - клурихь хъайидар иштирак гъахьну. Гъадушваъ Гелан провинцияйин губернаторин вакил Габидинра иштирак гъахьну. Гъацира Маку шагърин губернаторихъдира гъуш клури гъушну, гъадму шагъриъ гъаждиз гъагърудар деетру пропускной пункт ерлешмиш дубхъна.

Гъадму гъушарихъди документар дюзмиш алуван ва сьргъатарилантина гъагъбан, страхованиейинважорбежор жара месэлийр гъал гъапниийи. Ирандин терефну автотранспортдихъна, гъабхру гъагънахъна, фуькан гъагъ ва траспортдихъ хъубзруб дубхну ккундуш, чпин тлалабар фицдар вуш гъанниийи. Гъацира дурари чпин уьлкейиантина гъагъбан вари къайдйирикан гъапниийи.

Гъадушваз гъагъювал хайирлув вуди гьисаб алуз шулу ва гъаждиз гъагъру ихь ватанагълийириз хайлин месэлийр дюзди гъал алуз кюмек тувди.

Мягъачгъала шагъриъ Бицидарин арайиъ «Гъудган дюзди алуз аьгъювалиан», «Къуръан урхбаан» вуйи республикайин конкурс клури гъушну. Гъадму серенжем ноябрин эвелариъ Мягъачгъала шагърин Жвумийин Клулин мистаъ тешкил гъапниийи.



Конкурс 14 йис яшнахъна гъагъизкъан вуйи бицидарин (набалугъарин) арайиъ тешкил гъапну вуйи. Ноябрьн кьюдпи йигъан ихь республикайин меркездиъ айи Жвумийин Клулин мистаъ набалугъ иштиракчйир гъаму конкурсдихъна фициб заан тешкиллувалиинди гъазур духънаш мялум шуйи.

Гьелбетда, гъаму бици яшнаъ айидариз гъамкъан жавабдар темйириан конкурсдин жюрыйин улихь

Бицидарин арайиъ гъабхьи республикайин конкурс

жавабар тувуз думукъан рягъятди дайи, амма ужуб гъазурлугвал дубхнайивали, чпиз гъудган алуван ва Къуръан урхбаан дерин аьгъювалар айивали дурар архаин алураи.

Гъадушваз думукъан алуван уьмуми къадар 31 кас вуйи, гъадрарикан 18 бай ва 13 риш вуйи.

Конкурсдиз думукъан алуван гъарсар иштиракчйи Гирами Къуръандиан саб- швнуб аят дурхну ккундийи ва гъудгнин саб ракаат дапну ккундийи. Къуръан урхбан вари къайдйир фици клуриз адагъураш, хъа гъудган алуруган чарасуз ва духъну ккуни вари гъаракатар фици клуриз адагъуру ккундуш, гъадрарикан варидарикан жюрыйин членари дивру кыматра асиллу вуйи.

Конкурсдин шубур иштиракчйи варитлан заан къадарнахъди баллар ва заан йишвар гъадагъниийи.

Сабпи йишв Тагибова Саидайи гъадабгъниийи (Хасавюрт шагъриан) ва 3 агъзур долларин приздиз лайикьлу гъахъниийи.

Къюбпи йишваз удучівну: Будунов Хасмугъяммад (Мягъачгъала шагъру)- 2 агъзур доллар.

Шубубпи йишв: Рашидова Рабият

(Казбековский район) – 1 агъзур доллар.

Гъацира конкурсдин вари иштиракчйирикан гъарсариз агъзу - зур манат пул тувниийи.

Жюрыйиз дахил гъахъидар гъамрар вуйи: С. Абубакаровдин ччвурнахъ хъайи фонднан председатель Хасмугъяммад-гъажи Абубакаров, «Сафар» ччвур али мистан имам Мугъяммад-Гъянафи Гъямзатов, ДИУ- йин мялим Аьдил Ибрагъимов, Цийи поселокдин мистан имамдин заместитель Мугъяммад-гъажи Аьбдурягъманов ва гъ.ж.

Гъаму конкурс тешкил гъапну Дагъустандин мусурмандин Духовный управление вуйи.

Аьгъювалар гъадагъбан лайикьлу-валарикан Гирам Къуръандиъ ва ихь Мугъяммад Пайгъамбарин ﷺ гъадисариъ гизаф дупна. Гъаддин гъакънаан учу кми- кмиди «Ассалам» газатдин машариъ кьваин алури шулча.

Абйир – бабари гъамцдар конкурсариз чпин веледар хувалиинди гъадрарин юкварихъ Аллагъдихъан ﷻ гучвал кайивалин тумар урзуру, гъаци алували, гьелбетда, гележегдиъ дурар гунгъарихъан ва гъалаттарихъан уьрхюз кюмек алури.

Хусуси мялумат

ГЪЯЖ ВА УЪМРА

Игърам (гъяждин палат) алабхъбакан

Аъзиз мусурман гъардшар ва чйир! Учву гъяждиз гъягъбан хайирлу теклифарин саб пайнахъди таниш аплуз ккундучуз (гъелбетда, гъаму саб макъалайиъ вари терефар улупуз мумкинвал адар).

Игърам алабхъуб гъяждиз вуйи тйааътиъ учлвбан ният ву. Гъяж аплуз ккунири юквниинди Аллагъ учьоне гъяждиъучлвбазният аплуру, уьмра аплуз ккунирира гъаци аплуру. Эгер кьиран аплуз ккундуш, гъяждизра, уьмрайизра ният аплуру. Ният юквниинди аплубси, мелзниинди улухубра саваб аплуру.

Игърам алабхъруган жилари ягъли сесниинди, хъа дишагълийири яваш сесниинди лаббайк клуру: «**Лаббайка-ллагъумма лаббайка, лаббайка ла шарика лака лаббайка, иннал гъямда ваннаъмата лака валмулка ла шарика лак**».

Лаббайкайин къяляхъна лаббайк клурубтлан яваш сесниинди Пайгъамбарина ﷺ салават хуру, Аллагъдикан ﷻ женнет тувуб, къисмат аплуб ва жегъеннемдихъан азад аплуб ккун аплуру. Дийигънура, деънура, элеънура, ликриъди гъягъюрира, дахъганра, жанабатлу вушра, гъяйздиъ ашра (хпир), игърамдиъ амидикъан гагъди лаббайк пувал гизаф аплуру. Гъялар гъюдюхруган, вахтар гъюдюхруган, за удучлвур исинди гъягъру йишвар гъюдюхруган, элеъруган, элдеъруган, дустар сатли гъахъиган, сигъриндин вахтна, мучлу гъабхъиган, йигъ гъабхъиган, гъудгнарин (гъулгнарин) къяляхъна ва къабайиъ дарди жара мистариъ лаббайк пувал ижми саваб вуди гъисаб аплуру.

Байтуллагъдилан тйаваф аплруганра саяй аплруган (къюб сивун арайиъ жаргъруган) лаббайк клурудар. Гафар гъаплу клури, лаббайк пуб хъадрабтлур. Сар инсанди салам тувган, лаббайк клурайири дугъаз салам къяляхъ хътаплуру. Аъжайибвалиъ айиб гъябкъган «**Лаббайка, Инна-лааъйша аъйшал – ахирагъ**» клуру.

Игърам алабхъу касдиина хъуб шейъ гъарам шулу:

1. Гъибирху ккурт, шалвар, чекмиир, халат ва гъарсаб гъибирхуб, гъибирхубси кабчбиинди я къюкъяр йивбиинди гъирагъ хъадахънайиб ва гъацдар жарадар алахъуб. Гъацира аъдатдиинди ккибкна клури гъисаб аплубдиинди, гъибирхубдиинди, я жарабдиинди клул ккибкубра гъарам шулу. Эънайибдиинди серин гъаплу клури, гъагъ, зимбил ва жара мутму клултин иливну клури зарар адар. Зиин али палатдин седфер кахъуз, къюкъ алахъуз, китрударихъди китлуз, саб терефнахъ тлурун хъибтлну тмунуб терефнахъинди ижми аплуз гъяж аплурииз ихтияр адар. Шалвриъ къюкъ

йивузна дидлан тлурун илдибтлуз хай шулу.

2. Мискдиинди, кафуриинди (зейтун) зъяфарандиинди палатдихъ, жандихъ ва ахнарихъ ицци ниар хъауб, игърам алабхъхъан, гъарам шулу. Кюкдихъ, беневсеждихъ, ниъ айи гъабрахъ ва ицци ниъ хъайи гъарсаб къяши мутмуйихъ ниъ хъаплубра гъарам шулу. Кюкдин ва гъубзу кюкдин (роза)



Гъит Гъарсабдикан агъю Аллагъди ﷻ ичв гъяж къабул аплри ва гъяж клули гъабхбан вари шартлар хъайи - хъайибси клулииз адагъбалан къяляхъ ихъ багъри жилиина сагъ- саламатди хътакуз Аллагъди ﷻ къувват тувричвуз!

ччим улубзуб, пак аплру ччим аплуб ва дидихъ ниъ хъаплубра гъарам ву. Дурар жандикан кадатубра гъаци ву. Клул'ин члар алдрурииз клулкан кадатуб ктарди, мужрийиканна клулкан кадатуз хай шулдар. Пак дараплубдихъ ниъ хъаплубна жандикан кадатуб гъарам дар.

Кюкдин штухъдихъсиб ниъ, ранг ясана тйеме агъю шлу ицци ниъ хъайи хураг аплуб игърам алабхънайидариина гъарам шулу. Зъяфарандин рангна тйеме, хлин ахларихъ ясана жарабдихъ дрягъну аьнбарин тйеме хъашра, гъарам шулу. Пак аплру кюгъюл (сурьма) хъадатуб ва жандин табариъ дарман убзубра гъарам шулу.

3. Клулкан, къючъан, гъяйихъан,

сумпларихъан ва жандин жара йишварикан члар кадабтлуб я учюбгъю гъарам шулу. Гъацл щиб (щав) вушра, тлубарин щибар (щавар) алдатлубра гъарам шулу. Ицци ниъ гъипган, гъибирхуб алабхъган, шубуб члар алдатган, шубуб щиб (щав) алдатган, шагъватдиинди хутлнан ва къамкъарин арайиъ йишварик кучган ва ччим кадатган саб марчч убккувал важиб шулу. Марчч убккурушра, гъарсар мисккиндиз гъацл сеъ туври шубуб сеъ иплубдикан туврушра, шубуд йигъан



улихъна гъяж аплури къасустлан хпирихъди жимяъ (сатли хъувал) гъапган, дугъан тйааът (гъяжна уьмра) батил шулу. Думу касдиина фасад дархъиди вуйи гъяж тамам аплубси ва гъяракатниинди къаза аплубра важиб шулу. Фасад дапнайи гъяж савабназ вуйиб гъабхъишра гъаци аплуру.

Хпирихъди сатли гъахъиган хъадабхъру кафарра саб деве ву, деве дибрихъиш мал ву, мал дибрихъиш уругуб чарва ву. Чарвийрра дидрихъу гъялатнаъ девейин къиматнахъ иплуб гъадабгъну садакъади тувру. Иплуб дибрихъиш, гъарсаб миггар иплубдихъанди сад йигъан ушв бисуру. Гъяж къаза аплбаз алабхъру игърам ада аплуз алабхъру йишвхъан алабхъру. Ада аплбаз микъатдиан алабхъру. Эгер сатли гъахъи хпир чахъди хъайир вуш, къаза аплруган, сатли гъахъи йишвахъ хпир гъитну, дугъхъан жара хъуб саваб ву. Сабпи игърам илдибтан къяляхъна жимяъ гъапган тйааът фасад даршул, саб марчч убккуб алабхъру. Гъархну жимяъ гъапган фулка алдар.

Игърам алабхънайириина чаз ясана жарариз нюкъагъ аплуб гъарам шулу, хъа гъапшиш, нюкъагъ батил шулу. Хпир ккун аплуб ясана нюкъгиз шагъид хъубра макругъ шулу.

5. Чан йикк (якк) иплру я дидкан арайиз гъафиб ва йикк дириплу фициб вушра члурудин гъяйванатдиз хюрч аплуб гъарам шулу. Гъяйванат хюрч гъаплурун хлиъ гъабклиш, я чав члуру гъапшиш, гъациб хъадабхъуб лазим шулу. Гъабклиб нааъмариз (деве, мал, чарва) ухшаруб гъабхъиган, дидиз ухшаруб нааъмарикан хъадабхъуру. Гъяйванат хъадабхъбан, дидин къиматнан иплуб тувбан ва гъарсаб миггарихъанди саб ушв бисбан арайиъ хъадабхърур ихтиярлу шулу. Гъюбюхруб, гъабклибсиб даруган, луфрахъанди кадарди къимат тувуб важиб шулу. Алабхъну шид убхъруб ва сес аплуб (луф) гъабклиган, саб марчч убккуру. Ккундуш марччлин къиматнан иплуб тувру. Я гъарсаб миггарин клулихъ сад йигъан ушв бисуру...

«Гъяж ва уьмра»
клуру брошюрайиан

АЛЛАГЪДИН () УЛИХЪ ГУЧИВАЛ КАЙИ НИВГЪАРИХЪДИ АЦІНАЙИ
УЛАРИЗ ЖЕГЪЕННЕМ КЪАДАГЪА ДАПІНА (ГЪЯКИМ)

ГЪЯДИС

УХЪУЗ ХАЙИРЛУДАР ВУ

Мугъяммад
Пайгъамбарихъна
(гъит Аллагъди дугъаз
ужувлан гафар йипри ва
думу тебрик апри!) бедуин
гъюру ва кӀуру:
«Эй Аллагъди Гъаънайир
ﷺ, узу увухъна гьерхуз
кӀури дуфназа: гъаму ва
тмуну дюнйириъ ужувлан
ляхнар гъуркӀбан бадали».
Пайгъамбари (гъит Аллагъди
дугъаз ужувлан гафар йипри
ва думу тебрик апри!)
жаваб тувру: «Уву гьерх, узу
жаваб тувдиза».

Дугъу гьерхру: «Узуз узу вари
инсанаризтан артухъди аьгъювалар
айир духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
кӀуру:

«Аллагъдихъан гучӀ апин ва
ууз варидаризтан артухъди
гъарсабдикан аьгъю хьибдивуз».

Дугъу кӀуру: «Узуз инсанарикан
варитан артухъди девлетлур духъну
ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Уву ууз Аллагъди тувнайибдин
рази йихъ, ва уву варитан артухъди
девлетлур хьибдива».

Дугъу кӀуру: «Узуз инсанарикан
варитан гъякълур духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Увуз тӀалаб апруб (уж'вал)
имбударизра тӀалаб апин».

Дугъу кӀуру: «Инсанарикан варитан
жумартур духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Уву инсанариз ужувлар хрур,
хайир туврур хьибдива ва варитан
жумартлурра хьибдива».

Дугъу кӀуру: «Узуз Аллагъдин улихъ
инсанарикан варитан асасур вуди
ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Уву артухъди Аллагъ кӀваин
апин ва Аллагъдин улихъ асасур
хьибдива»

Дугъу кӀуру: «Узуз гъубкӀнайи иман
ади ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Яв гъиллигъар ужу апин ва ууз
гъубкӀнайи иман хьибди».

Дугъу кӀуру: «Узуз кӀван ачухъвал
айир вуди духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Уву ибадат гъациб саягъниинди
апин, Думу ууз рьякӀюрайганси

Аллагъди Гъаънайирин ﷺ гъядисар

хиял апруганси, дугъриданра,
Дугъаз уву рьякӀюра».

Дугъу кӀуру: «Узуз Аллагъдиз
мютӀюгъ духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Фарз кӀулиз адабгъ ва мютӀюгъ
хьибдива».

Дугъу кӀуру: «Узуз Аллагъди
узу йиз гунгъарихъан марцц дапӀну
ккундузуз».

Пайгъамбари (гъит Аллагъди дугъаз

«Истигъвар артухъ апин ва увук
цибди гунгъар хьиди».

Дугъу кӀуру: «Лапра артухъди
ужувлар кайир духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру: «Уву апрурайи ляхнарин
гъякънаан инсанариз аьрзар-ферзар
мапан».

Дугъу кӀуру: «Имбудартан
къувватлур духъну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)

«Гъярамдихъан ярхлади гъуз
ва Аллагъди яв дюаьйиз жаваб
тувиди».

Дугъу кӀуру: «Ахиратдин йигъан
Аллагъди йиз нукъсанар (камивалар)
ккеркӀну (жин дапӀну) ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри)
жаваб тувру: «Яв чвйирин нукъсанар
(камивалар) жин апин».

Дугъу кӀуру: «Гунгъарихъан ва
гъалатларихъан фти уьрхюру?».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру: «Нивгъари, мютӀюгъ
хъували ва уьзри».

Дугъу гьерхру: «Аллагъдин улихъ
фунуб уж'вал заануб ву?»

Пайгъамбари (гъит Аллагъди
дугъаз ужувлан гафар йипри ва тебрик
апри!) жаваб тувру: «Ужуб хасият
(гъиллигъ), учв заанди улдрупрувал
ва дерд- хажалат аьгъ апрувал».

Дугъу гьерхру: «Аллагъдин улихъ
варитан кӀуру ляхин фунуб ву?»

Пайгъамбари (гъит Аллагъди
дугъаз ужувлан гафар йипри ва тебрик
апри!) жаваб тувру: «Пис хасият ва
къискъисвал».

Дугъу гьерхру: «Гъамунуб ва



Ас-Салам-фото

ужувлан гафар йипри ва думу тебрик
апри!) жаваб тувру:

«Жунубатдихъан марцц хъуз
жикӀури апин, ва Аллагъди уву
гунгъарихъан марцц апида».

Дугъу кӀуру: «Узуз Ахиратдин
йигъан Аллагъди узу нуриина за дапӀну
ккундузуз».

Пайгъамбари (гъит Аллагъди дугъаз
ужувлан гафар йипри ва думу тебрик
апри!) жаваб тувру:

«Гъич сарихънара инсафсузур
махъан ва Аллагъди уву нураина
за апида».

Дугъу кӀуру: «Ахиратдин йигъан
узухъна Аллагъ имшахур вуди
ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри)
кӀуру:

«Яв увухъна ва Аллагъдин
лукӀарихъна имшахур йихъ».

Дугъу кӀуру: «Узук лапра циьди
гунгъар кади ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри)
тувру:

жаваб тувру: «Аллагъдик
умудвал кив ва варитан
къувватлур хьибдива».

Дугъу кӀуру: «Аллагъди
узуз тувру ризкъ(буллугъвал)
артухъ дапӀну ккундузуз».

Пайгъамбари (гъит
Аллагъди дугъаз ужувлан
гафар йипри ва тебрик апри!)
жаваб тувру:

«Гъарвахтна гъудгнин
дижикӀнади (марцциди) гъуз»

Дугъу кӀуру: «Гъарган Аллагъдиз ва
Пайгъамбариз ккуни кас вуди духъну
ккундузуз».

Пайгъамбари (гъит Аллагъди
дугъаз ужувлан гафар йипри ва тебрик
апри!) жаваб тувру: «Аллагъди
халкъ гъапидарикан гъич саризра
чӀурувал улмупан ва Ахиратдин
йигъан Аллагъдиз увкан хъял дуфну
адрувалиин умудлу хьибдива».

Дугъу кӀуру: «Аллагъди йиз дюаьйиз
жаваб тувну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Гъарвахтна гъудгнин
дижикӀнади (марцциди) гъуз»

Дугъу кӀуру: «Аллагъди йиз дюаьйиз
жаваб тувну ккундузуз».

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

гъатмунуб дюнйириъ Аллагъдиз гъафи
хъял фти яваш алапруру?»

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру: «Жиниди садакъа
тувували, кулхри адру ксар кулхуз
гъитували».

Дугъу гьерхру: «Ахиратдин Йигъан
Жегъеннемдин ца фти кӀубшвуру?»

Пайгъамбари (гъит Аллагъди дугъаз
ужувлан гафар йипри ва тебрик апри!)
жаваб тувру:

«Дерд-хажалатнаъ ва бедбахт-
валиъ аьгъ апрували».

Гъядисар Халид
ибн Валидри тувну.



Ас-Салам-фото

ГЪЯДИС

ГЪАРСАР КАСДИЗ ДУСТ А, ГЪАДДИЗ УЧВУ ДУСТВАЛ АПІУЗ ККАЙИРИХЪИНДИ ЛИГАЙ (Тирмизи, Гъяким)

РЕДАКТОРИЗ ГАФ

Ассаламу алейкум, багъри Табасаран члалниинди вуйи «Ассалам» газат урхру ва учухъди мюгъкам аьлакьайиъ айи гъюрматлу мусурман чвйир ва чйир!

Магъа уху чиб - чпихъди хъади хъудпи йисра гъябгъюра ва багарихъди цийи, 2009 - пи йисра улубкъиди. Хъа амма Аллагъу Тааълайихъна ва Дугъан Ислам диндихъна вуйи ихъ хъугъвал

уху гъарган эдеблувалин, сари-сариз кюмекнан хил гъачлабккнуну ккунивалин, саб гафниинди, баркаллу уьмур хъапну ккунивалин рьякъюъди гъягъюз дих аплуру, нягъякъ ляхнарихъан ярхла аплуз кюмек тувру.

Хъа амма гъелелигъ бязи цийи аьдтари ихъ дагълу ксарин - абйир-бабарин ужудар аьдтариин рихшантвалин лик иливур - анжагъ жвуваз гъазанжар гъадагъувал, гъаму дюнъийи девлетар уч аплуб метлебниинди ихъ мусурман динди къадагъа дапнайи ляхнарин машин гъул шулайидарра гизаф а.

драрра дюз рьякъюин алауз амур аплри.

Аьзиз мусурман чвйир ва чйир! Гъачай улубкъурайи 2009- пи цийи йисан «Ассалам» газатдихъди вуйи аьлакьа ужу аплухъа.

Учуз ккуниб учву учухъди мюгъкам аьлакьайиъ учлувал, вахт ва конвертдин жибзи кепкар кюгъял дарапди учуз макъалйир хътаувал, ихъ варидин кюмекниинди «Ассалам» газатдин мяналувал ужу аплувал, «Ассалам» газат гъарсаб табасаран хизандин багъалу дуст хъпан бадали дидиз под-

Гъадму терефнаан учуз Дагъустандин Огни шагъриъ яшамыш шулайи ич ужур мухбир Аьбдул-Мутталиб Ханмягъмадовдин ччвур жаради къайд аплуз ккундучуз.

Гъадму касди неинки саб ич редакцияйиз, хъа гъацира ихъ диндизра баркаллу ляхин аплура: кми-кмиди дугъу ич газатдин редакцияйиз жорбежюр макъалйир газат удубчлвуз хъюгъю йисланмина хътаура ва гъациб баркаллу ляхин аплурайивализ лигну гъадму касдиз аьхю чухсагъул клурача.

Мисал вуди гъадабгъиш, Уртлуларин адлу мусурман аьлим Ханмягъмадрин бали табасаран члалниинди «Ассалам» газат удубчлвуз хъюгъхъанмина бизар дарди Табасаран ва Хив районрин жорбежюр гъуларий муганайиз имамвал аплури гъахъи ксарикан, адлу динагълийирикан шикларра хъади йицбариинди мяналу макъалйир хътаъну ва учу аьхю разивалиинди ич газатдин машарий гъадрар чап гъаплунча.

Гъадму касдиз ич редакцияйин терефнаан чухсагъул мялум аплбахъди сабси, гележегдиъра учухъди дугъура ва учвур мюгъкам аьлакьа уьбхювал ккун аплурача.

Подписка аплру вахт ахирихъна гъюра. Гъаддиз подписка аплуз гъялак йихъайчва.

Гъелбетда, сабсана терефнакан хъана улхувал алабхъура, фицики ухъухъра мал- девлет айи ксар а. Гъадрари чпин харжниинди чпиз, чпин багахълуирииз, гъуншйирииз, гъулан-дариз «Ассалам» газатдиз подписка аплуз пул тувнийиш, Аллагъра ﷻ рази шлу ляхин ву.

Ав, жара миллетарин вакилари гъаци аплурира шулу. Гъаму дюнъийи пулин- девлетнан къитвал адру ихъ табасаран баярихънара илтлкулураза ва подпискайин ляхин клулиз адабгъбан бадали гирамивалин ва кюмекнан хил гъачлабккувал ккун аплураза!

ДИНДИН ГЪЯКЪЛУ РЯКЪЮЪДИ ГЪЯГЪЮРАЙИДАРИЗ

ва ккунивал дигиш дархъиди гъузну ккунду ва, иншаАллагъ, гъуздира ву.

Эгер гъякълуди улхуруш, гъийин уху яшамыш шулайи девриъ Шариатдин вари къайдйир хъайи-хъайибси клулиз адагъуз хайлин читинвалар алахъуру, иллагъки ихъ Урусатдин светский уьлкейиъ, фицики мялуматар тувру дакьатаринан, асас вуди телевидениейиан иллагъки Исламдин къанунарихъан аьгъ аплуз даршлу жюрейин эдебсузвалин темйириан вуйи передачйир гъартерефлуди улупруган... Ав, читинвалар а клури, архаин духъну ясана кагъалвал улупну ккундар. Шариатдин къанунар, къайдйир шлубкъан ужуйи клулиз адагъиш, лапра ужу ву.

Амма гъаддихъди сабси жвуван паччагълугъдин къанунар тамам аплувалра вари ватандашарин буржи вуйивал гъархну ккундар. Гъийин вахтна мусурман касдихъан фу аплуз шулу? Гъелбетда, жвуван ва жвуван багъри хизандин эдеблувалин терефар марциди гъитуз, жвуван веледар Исламдин рьякъюъди гъягъбан зиин чалишмиш хъуз ва дурариз гъякълу



Гъаддин гъянаан учу ихъ багъри «Ассалам» газатдин машарий гизаф ражари гъибиклунча. Гъаддин къяляхъ

писка аплувал ву. Йискъубаъ подпискайиз удубчлвурайи 180 манат пул кюгъял мапанаичва.

Учуз гъарсар мусурман хизандиъ «Ассалам» газат гъадабгъури ккундучуз. Думу Аллагъра ﷻ рази шлу ляхин ву.

Гъелбетда, гъийин вахтна иллагъки мусурмандин газат адабгъувал къадарсуз гъагъи ва лапра аьхю жавабдарвал гъисс аплувал алабхъура ляхин ву.

Гъаз гъапиш, гъарсаб макъалайин гъарсаб гъарф, гъарсаб гаф ва гъарсаб цлар гъазур аплруган неинки ич, газат урхрударин, хъа гъацира сабси нубатнаъ Аллагъу Тааълайин улихъ жавабдарвал гъисс аплуб алабхъуру. Ари гъаддиз мусурман диндикан аьгъю ксарин терефнаанра ич газатдин редакцияйиз кюмек лазим ву. Учву хътапру гъарсаб кагъзиин, учву тувру гъарсаб теклифниин учу рази хъидича, гъаз гъапиш Ислам диндин ужудар терефарикан пувал, думу гъякълуди хъаплувал Аллагъу Тааъла рази шлу ляхин ву.

Йискъубаъ подпискайиз удубчлвурайи 180 манат пул кюгъял мапанаичва. Учуз гъарсар мусурман хизандиъ «Ассалам» газат гъадабгъури ккундучуз. Думу Аллагъра ﷻ рази шлу ляхин ву.

тербия тувуз, саб гафниинди, жвуван диндиз хас вуйи кас вуди улупури, жвуван мирасариз, багахълуирииз, гъулан-дариз, жвувахъди сатлиди лихурайидариз рьябатлувалин хусуси нумуна улупуз. Ари гъадму терефар клулиз адагъиш, гъелбетда, гъацир касдиз гъюрматра аплуди ва ихъ Ислам диндин адлувалра имбубсана за хъибди.

Гъюрматлу мусурман гъардшар ва чйир! Учвуз киваин аплурача, фицики Ислам чан тарих ккебгъхъанмина дюнъийин жилиин али инсанариз анжагъ ужувлан ляхнар клули гъахуз шериквал улупурайи дин ву. Диди

ичв терефнаанра белке гъамцдар сулар арайиз гъюрашул: «Гъамциб саягъниинди гъазанмиш гъаплу девлетнан къисмат фициб хъибдийклана?», «Гъаз гъадму ксари Аьхиратдикан фикир аплурадайклан?», «Яраб дурари чпи гъаму дюнъийи уьмурлугъ вуди гъуздица, клури фикир аплурадайклан?», «Тамашйирин бизнес бадали, жиба-рий пулин ацу дужмар иври, гъарам гъазанжар гъадагъури, дурари жигъилар Исламдин рьякълан алдаурайиваликан гъаз фикир аплурадайклан?»

Сулар гизаф арайиз гъюра, хъа амма... Гъит Аллагъу Тааълайи гъа-

Нагагъ учуз зенг аплуз ккунир гъашиш, башюста. зенг аплинай: 8988 305 1961 Аьзиз юлдшар, учвкан хайлиндари учухъди гъаму улубкъурайи цийи йисан мюгъкам аьлакьа уьбхюр ва ич газатдиз подписка аплур, клури аьхю умудвал киврача. Гъит Аллагъ ﷻ киваин алди учву алдабгъурайи гъарсаб лик ягъурлуб ва женнетдиз лайикълуб ибшри! Амин!

АЛЛАГЪДИ ﷻ АРТУХЪДИ ТУВДИ

ГЪЯДИС

СУАЛАРИ ЖАВАБАР ТИАЛАБ АПИУРА

Газат урхрударин суалариз
Ягъ'я Мягъямедовди жавабар тувра**Фицдар гъудгнар жикъи аплуз ва жара вахтназ гъитуз шулу ва фунуб жюрейинди?**

Поезддиъди (сафар) гъягъюрайи мусурман ксариз 4 ракаатдин гъудгнар (лисундин, хябяхъдиз улихъна вуйи ва хъитирхвандин гъудгнар) жикъи аплуз ва гъадрарин ерина 2 ракаатдин гъудгнар аплуз ихтияр а. Гъудгнар жикъи аплувал гъамцдар шартлариз асас духъну клули гъахуру:

1) Рякъ ярхивал жигъатнаан саб суткайилан циб дарди (24 саят) ясана къюд йигъан яягъди (ликрийди) гъягъру манзил айиб (83 километрийхъна, эгер учву транспортдин дакъатаринди гъадму манзил ухди ккадаплурушра).

2) Сиягъят (сафар) саб метлеб айиб дубхъну ккунду. Эгер учву хульан удучвну гъушган наан ва фу метлеб ади гъушнуш аьгъдарш, думуган гъудгнар жикъи аплувал ярамиш шулдар.

3) Гъудгник кучлвруган гъудгнар жикъи аплуруш ясана думу жара вахтназ гъабхуруш ният дапну ккунду.

4) Шлиз гъудгнар жикъи аплуз ккундуш, гъудгнар жикъи дарапрайи имамдихъди душну ккундар; гъадмуган гъудгнар бегъемди дапну ккунду.

5) Вари гъудгнин вахтна гъудгнар жикъи аплуз вуйи ният дубхъну ккунду. Эгер, мисал вуйи гъадабгъиш, гъудгник кайи вари вахтна думу бегъемди клулиз адабгъуз ният гъаплиш, думуган гъаддин къяляхъ думу жикъи аплуз хай шулдар.

6) Жикъи гъаплу гъудгнар аплруган рякъюъ айи вахт. Эгер гимдиъ жикъи гъудгнар аплураш ва гъудгнар ккудубклайиз гъарган вуди яшамаш шулайи йишваз хъуркънаш, думуган гъудгнар бегъемди дапну ккунду (4 ракаатдин).

Эгер юкъуд ва дидлан артухъ йигъаризди гъузуз ккайи йишваз хъуркънуш, думуган гъадушваъ гъудгнар жикъи дапну ккундар.

Эгер улихъ ккимидитлан учву фукъан вахтна гъузруш аьгъдарш (4 йигъан цибди ясана артухъди), думуган 18 йигъ хъайизкъан жикъи гъудгнар аплуз шулу (эгер арайиз думуфнайи месэлийр вахтнинди гъал аплуз хъуркъундарш).

7) Фила ва фициб саягънинди жикъи гъудгнар аплуруш аьгъяди ккунду.

Жара йишваз душнайи вахтна гъудгнар жикъи аплузварижюрейинсеббардубхънайигангъачиндин гъудгнар ктарди имбу гъудгнар жикъи аплуз ихтияр тувра. Лисундин гъудгнар ригъ алабхъайиз улихъна вуйи гъудгнихъди аплуз шулу ва хябяхъдин гъудгнар хъитирхвандин гъудгнихъди аплуз шулу.

Гъамцдар шартлар клулиз адагъуб лазим ву:

1) лисундин гъудгнар ригъ алабхъайиз улихъна вуйи гъудгантлан улихъ аплуру, хъа хябяхъдинуб хъитирхванубтлан улихъна.

2) Сабпи гъудгний уву къюби гъудгнарра жара вахтна аплуз ва къюби гъудгнарра сатли аплуз ният аплуб лазим ву (гъудгнин улихъ ният аплуб ужу ву).

3) Гъудгнар хъади- хъади аплувал, вахт



идрипди. Сабпи гъудгнар ккудубкбалан къяляхъ къамат урхуру ва дишлади къюбпиб аплуру. Гъадму гъудгнарин арайиъ къюб ракаатдин гъудгнар аплуз харж шлу вахт дубхъну ккундар. Гъадмуган къюбпи гъудгнар чан вахтна аплуру. Эгер лисундин гъудгнар ригъ алабхъайиз улихъна вуйи гъудгнихъна ясана хябяхъдинуб хъитирхванубдихъна гъабхуруш, лисундин ва хябяхъдин гъудгнарин вахт ккудубклайиз лазим вуйи саягънинди ният аплуру, даршиш гъудгнар батлул хъувалик (гъидипувалик) гъисаб шулу.

Игъсан фтиз клуру?

Игъсан - му ухъу Аллагъу Тааълайиз ибадат дапну ккунивал клуру гаф ву, хиял апларваки, Думу ухъуз рякъюрайиганси. Думу ухъуз рякъюрадаршра, хъа амма Дугъаз ухъу рякъюра. Игъсан Аллагъдин ﷻ диндин паярикан саб ву. Думу тасаввуф ву. Исламдин вари аьлимар гъамциб фикрихъна гъафну, фицики ухъу Халкъ Гъаплурихъна гъахрувал, Аллагъдихъан гучл хъувал ва Дугъак умудвал кивувал чарасуз шартлар ву. Аьжонуб пай аьлимари гъаму илмиз тасаввуф клуру, хъа саб жерге аьлимари игъсан клуру.

Гъадму дережайихъна хъуркъайизкъан ибадат аплбан бадали, Аллагъ ﷻ увуз рякъюрайи

саягънинди Аллагъдиз гъуллугъ аплбан бадали, жвуван юкв чиркин фикрарихъан марцц аплуб лазим ву, гъеле ужудар дару гъиллигъарикан ва жвуван юкв успагъи гъиллигъарихъди балгбакан улхурадархъа. Тасаввуф Аллагъ ﷻ кми- кмиди кваин аплури, жвуван юкв Дугъахъди аьлаквалу аплбиинди, гъарвахтна Думу кваин аплбиинди, Дугъахъна вуйи ккунивал мюгъкам аплбиинди рюгъламиш'валин утканвал тербияламиш аплуб ву.

Гъадисдиъ дупнайиганси, анжагъ гъациб гъязурлувал гъабхалан къяляхъ инсандин юкв Аллагъдиз гъуллугъ аплбан гъациб дережайихъна гъюру, фицики увуз Аллагъу Тааъла рякъюрайиганси.

Иман, Ислам ва игъсан – гъамрар жаради вуйи мяна айидар вуйин, даршиш ваъ?

Имандихъ хъугъувал, Аллагъу Тааъла айивалихъ, Дугъан пайгъамбар ва Дугъу Пайгъамбарилантина ﷺ гъаьдарихъ ва тувдарихъ хъухъувал, дурар гъякълудар вуйивал улупура.

Ислам Аллагъу Тааълайин амриинди вуйи ляхнарихъ хъугъувал (мютлюгъ хъувалиинди ва дин хъаплбиинди) клуру гаф ву. Исламдин шартлар хъуб ву ва дидин сабпи шартли Аллагъ

ﷻ Сар вуйивалиин ва Мугъяммад ﷺ Дугъу гъаьнайир (шагъада) инандирмиш хъувал ву, яни Исламдин сабпи шартли шагъада келима кваантлан пувал ва дидихъ кваантлан хъугъувал улупура.

Игъсан Аллагъдиз ﷻ дериндиан гъуллугъ аплувал ву - дин хъаплбиинди ва мюгъкам тасдикъвалиинди.

Увуз Аллагъу Тааъла рякъюрадаршра, хъа амма Дугъаз уву рякъюра. Гъаци вуйиган, иман ва Ислам – мурар жара аплуз даршлу мянайин гафар ву.

Рузнама

январь

дни	утрен.	восх.	обе-денный	после-обед.	вечерн.	ночн.
1	5.31	7.16	12.00	14.08	16.28	18.02
2	5.31	7.16	12.00	14.09	16.29	18.03
4	5.31	7.16	12.00	14.11	16.32	18.04
6	5.31	7.16	12.00	14.13	16.33	18.06
8	5.31	7.16	12.00	14.14	16.34	18.08
10	5.31	7.16	12.00	14.16	16.36	18.09
12	5.31	7.16	12.00	14.18	16.38	18.11
14	5.31	7.16	12.00	14.20	16.41	18.13
16	5.31	7.14	12.00	14.21	16.43	18.14
18	5.31	7.13	12.00	14.24	16.46	18.17
20	5.30	7.12	12.00	14.26	16.49	18.19
22	5.28	7.09	12.00	14.28	16.51	18.20
24	5.27	7.08	12.00	14.30	16.54	18.22
26	5.26	7.06	12.00	14.32	16.56	18.23
28	5.25	7.05	12.00	14.34	16.57	18.26
30	5.24	7.03	12.00	14.36	17.01	18.27

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ

заместитель муфтия РД

Махди-хаджи МУТАИЛОВ
Мухаммад-Рамазан РАДЖАБОВ

Редактор

Пирмагомед КАСИМОВ

Канонический редактор

Мухаммад-Рамазан РАДЖАБОВ

Художник

Саид САИДОВ

Компьютерная группа

Асият ХАНОВА
Ахмед МАГОМЕДОВ

Менеджер

Мухаммад ХИРИЯСУЛАЕВ

При перепечатке ссылка обязательна. Набрано и сверстано на компьютерной базе газеты «Ас-Салам».

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону). Свидетельство о регистрации ПИ № ФС 10-6401 от 15 декабря 2006 г. **Индекс 51325**

Отпечатано в ООО «Дом печати» по адресу: пр-т Акушинского, 20. Заказ № _____

Сдано в печать 09 января 2009 г. Тираж 1 000 экз.

Адрес редакции

367015, РД, г. Махачкала, ул. М. Ярагского, 128.

Тел.: (8722) 61-00-64.

По вопросам подписки и доставки обращаться по телефонам:

по Республике Дагестан — 8-988-699-28-24

по г. Махачкале — (8722) 914-222.

E-mail: info@assalam.ru; www.assalam.ru